

Women's Club of Aruba

Grupo di persona cu un causa común: bienestar di nos isla!

Condecorá pa país Aruba

Women's Club of Aruba a wordo fundá riba 17 di April 1934 dor di Sra. Smith, casá di promé presidente di LAGO Oil Refinery, Lloyd G. Smith.

E club a afiliá su mes dia 28 di Januari na e General Federation Women's Club, estableci na Washington D.C. Den transcurso di aña Women's Club a crece bira un grupo internacional grandi representá den 26 país. Harmonia den desigualdad, ta e motto apropiá di Women's Club International.

Na aña 1970 atrabes di un comité special, e club tabata envolví den trabao pa comunidad bao di e nomber "Tene Aruba Limpi y Bunita" awor conocí bao di e nomber Limpi Comite. Poco despues a wordo instalá e comite "Reconocemento na nos Studentenan."

E club a tuma na aña 1985 e postura di yuda conscientizá nos pueblo pa e menaza creciente di AIDS bao di nos comunidad. Na aña 1989 General Federa-



tion of Women's Club a honra Women's Club di Aruba den su afán pa yuda conscientizá nos poblacion tocante e peliger di AIDS.

Den aña 1990/91 a keda instalá e comite cu lo boga contra abuso di mucha. Cu un obra

na beneficio di cas pa hubentud a wordo recaudá e suma substancial di 20 mil Florin pa yuda renobá nan cushina.

For di Canada e club ta ricibí video y otro material di informacion tocante prevencion di abuso di mucha. E

informacionnan aki ta wordo traduci y suministrá na e recientemente formá organizacion Respetami.

Entre añanan 1992 y 1994 e club a produci posters cu mensahenan positivo. Un proyecto organisá pa biblioteca cu e fin di

diseña un poster pa stimulá mucha pa lesa a conocé obra di un jiu di un miembro di Women's Club. Dicho poster grandi a keda colgá pa añanan den biblioteca.

Women's Club a subsidiá tambe un competencia mediante un poster riba conscientizacion di AIDS na nivel nacional. E poster ganador di e competencia mencioná a keda exhibí na 35 parada di bus rond di Aruba. Women's Club di Aruba a ricibí diferente reconocimiento for di G.F.W.G. pa su servicio boluntario na nos comunidad. E club su mas reciente reconocimiento ta un promé premio cu e proyecto "Pap Test" na nivel nacional y general na aña 1998.

Ta un satisfaccion pa cada miembro di e club pa mira nan esfuerzo transformá den alegria y prosperidad den bida di hopi ser humano. "No ta locual cu nos ta duna sino locual cu nos ta compartí."

18 di Maart

Grandioso celebracion Dia di Himno y Bandera

Bini Un



Bini Tur

lugar: Cas di Partido AVP na Playa

horario: 12'or te cu 6'or di atardi

musica: Grupo Tipico Francis Jacobs • The Creators •
Choeps • NBO • Grupo Sorpresa

lo tin tambe: BBQ • vlooiemarkt • bar • caha di orgel
grupo di baile • speeltuyn y wega pa mucha